

1002.50.002 / 11

Bosna i Hercegovina
Parlamentarna skupština
Bosne i Hercegovine
Dom naroda

Ustavno-pravna komisija

Broj: 02/1-011-158/01
Sarajevo: 30.03.2001.godine.

ZAPISNIK

sa konstituirajuće sjednice Ustavno-pravne komisije Doma naroda Parlamentarne skupštine Bosne i Hercegovine, održane 30.03.2001.godine.

Sjednica je počela sa radom u 10:00 sati.

Sjednici su prisustvovali članovi komisije: Sejfudin Tokić, Šefik Džaferović, Niko Sušac i Dragutin Rodić.

Zbog učešća u radu i predsjedavanja komisijom za vanjku i trgovinsku politiku Doma naroda Parlamentarne skupštine BiH odsutnost je opravdao Nikola Špirić.

Sjednicu je sazvao i njome predsjedavao prvi zamjenik predsjedavajućeg Doma naroda Parlamentarne skupštine BiH gosp. Sejfudin Tokić.

Za sjednicu je predložen i usvojen sljedeći

DNEVNI RED:

1. Izbor predsjedavajućeg, prvog i drugog zamjenika predsjedavajućeg Ustavno-pravne komisije Doma naroda Parlamentarne skupštine BiH.

Ad.1. Izbor predsjedavajućeg, prvog i drugog zamjenika predsjedavajućeg Ustavno-pravne komisije Doma naroda Parlamentarne skupštine BiH.

Sejfudin Tokić je iznio prijedlog Kolegija Doma naroda Parlamentarne skupštine BiH da se za predsjedavajućeg Ustavno-pravne komisije predlaže Sejfudin Tokić, za prvog zamjenika predsjedavajućeg Niko Sušac i za drugog zamjenika Predsjedavajućeg Dragutin Rodić. Povodom ove tačke dnevnog reda diskutovali su Šefik Džaferović, Sejfudin Tokić i Niko Sušac.

Delegat Šefik Džaferović je predložio da mjesto predsjedavajućeg pripadne delegatu iz stranke SDA iz razloga što ih je najviše zastupljeno u Klubu bošnjačkog naroda.

Prilikom glasanja za prvi prijedlog sa tri glasa za i jednim glasom protiv, za predsjedavajućeg Ustavno-pravne komisije Doma naroda izabran je Sejfudin Tokić, za prvog zamjenika predsjedavajućeg izabran je Niko Sušac i za drugog zamjenika predsjedavajućeg izabran je Dragutin Rodić.

Sjednica je završila sa radom u 10:30.

Sekretar
Ustavno-pravne komisije
Aljoša Čampara s.r.

Prvi zamjenik predsjedavajućeg
Doma naroda
Sejfudin Tokić s.r.

Bosna i Hercegovina
Parlamentarna skupština
Bosne i Hercegovine
Dom naroda
Ustavno-pravna komisija

Broj: 02/1-011-158/01
Sarajevo: 30.03.2001.godine.

ZAPISNIK

sa prve Radne sjednice Ustavno-pravne komisije Doma naroda Parlamentarne skupštine Bosne i Hercegovine, održane 30.03.2001.godine.

Sjednica je počela sa radom u 10:30 sati.

Sjednici su prisustvovali članovi komisije: Sejfudin Tokić, Šefik Džaferović, Niko Sušac, Dragutin Rodić i Ivo Živković.

Zbog učešća u radu i predsjedavanja komisijom za vanjku i trgovinsku politiku Doma naroda Parlamentarne skupštine BiH odsutnost je opravdao Nikola Špirić.

Sjednicom je predsjedavao predsjedajući Ustavno-pravne komisije Doma naroda Parlamentarne skupštine BiH Sejfudin Tokić.

Za sjednicu je predložen i usvojen sljedeći

DNEVNI RED:

1. Prijedlog Budžeta BiH i međunarodnih obaveza BiH za 2001.godinu
2. Prijedlog Zakona o izvršenju Budžeta BiH i međunarodnih obaveza za 2001.godinu..

Ad.1. Prijedlog Budžeta BiH i međunarodnih obaveza BiH za 2001.godinu .

Povodom prve tačke dnevnog reda u raspravi su učestvovali svi prisutni članovi komisije i jednoglasno zaključili da postoji valjan ustavni osnov za donošenje Budžeta BiH i međunarodnih obaveza BiH za 2001.godinu sa amandmanom koji je Predstavnički dom Parlamentarne skupštine BiH usvojio i koji je postao sastavni dio teksta prijedloga, kao i da je Prijedlog Budžeta BiH i međunarodnih obaveza BiH za 2001.g. u skladu sa Ustavom BiH i da je pravno-tehnički valjano izrađen.

Ad.2. Prijedlog Zakona o izvršenju Budžeta BiH i međunarodnih obaveza za 2001.godinu .

Nakon provedene rasprave komisija je zaključila da postoji ustavni osnov za usvajanje Prijedloga Zakona o izvršenju Budžeta BiH i međunarodnih obaveza za 2001.godinu sa amandmanima koje je Predstavnički dom Parlamentarne skupštine BiH usvojio i smatra da se može uputiti u dalju proceduru Domu naroda Parlamentarne skupštine BiH.

Sjednica je završila sa radom u 10:55 sati.

Sekretar
Ustavno-pravne komisije
Aljoša Čampara s.r.

Predsjedavajući
Ustavno-pravne komisije
Sejfudin Tokić s.r.